



Publicaziuns dalla vischnaunca, jamna 8

Damondas da baghegiar

2014-1003.000

Datum dalla publicaziun: 21 da fevrer 2014

Il patrun: Fargliuns Simonet, c/o Daniel e Cécile Simonet, Kirchgasse 39, 8907 Wettswil

Il representant: aluis huonder architect fh sia sa, Via da Scola 18, 7180 Disentis/Mustér

Object: Sanaziun dalla mesa casa sin parcella 2178, Via Crestas 16, 7183 Mumpé Medel

2014-1004.000

Datum dalla publicaziun: 21 da fevrer 2014

Il patrun: Vischnaunca politica, caum postal 57, 7180 Disentis/Mustér

Il representant: Biro d'inschingier Iso Mazzetta, caum postal 99, 7166 Trun

Object: Sanaziun dalla via da quartier, sanaziun e remplazzament dallas lingias da provediment, parcellass 674 e 2324, Via Sogn Gions, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 17 da fevrer 2014

Uffeci da baghegiar Disentis/Mustér

Lubientscha da baghegiar

L'istanza da baghegiar ha concediu suandontas lubientschas da baghegiar:

2013 – 1042.000

Sylvia e Leo Jacomet, Bellikerstrasse 12, 8964 Rudolfstetten; colligiazium dalla tegia da mises cun aua, parcella 2266, Cavorgia Sura, 7180 Disentis/Mustér.

2013 – 1051.000

Nelly e Duri Huonder-Schweizer, Via Salez 101, 7186 Segnas, midada d'intent, parcella 2632, Barschus, 7186 Segnas.

2013 – 1054.000

Umberto Zanin-Monn, Via Acletta 31, 7180 Disentis/ Mustér; sanaziun dalla casa (part interna), parcella 1814, Via Plaun Sut 3, 7180 Disentis/Mustér

Disentis/Mustér, ils 17 da fevrer 2014

Uffeci da baghegiar Disentis/Mustér



Cussegl da vischnaunca

Il cussegl da vischnaunca seraduna **venderdis, ils 21 da fevrer 2014**, allas 20.15 uras en casa communal.

Tractandas:

1. Protocol nr. 8-2013/2016
2. Pro Lucmagn: Informaziun entras president Peter Binz
3. Lescha davart la taxa da cura e la taxa per promover il turissem: Elecziun d'ina cumissiun preparatoria
4. Regulativ da fatschentas: Revisiun parziala (commentari messadi nr. 2-2013/2016)
5. Regulativ per la cumissiun da gestiun (messadi nr. 10-2013/2016)
6. Ura da damondas (conform ad art. 44 dil regulativ da fatschentas)

Il president dil cussegl da vischnaunca

Fiera tessinesa

Gliendisdis, ils 10 da fevrer 2014 e silsunter mintga dumengia entochen ils 16 da mars 2014 ha liug ina fiera tessinesa. Ils stans vegnan endrizzai sin il parcadi ad Aclada Fontauna denter la Via Alpu e la Via Acletta. La fiera ha liug mintgamai naven dallas 14.00 entochen allas 20.00.

Administraziun communal Disentis/Mustér

Sanaziun dalla via da quartier Via Sogn Placi

Introducziun dalla procedura da contribuziun (perimeter)

Dacuort ha la suprastanza communal surdau l'incarica da projectar la sanaziun dalla Via Sogn Placi. Il project preveda la sanaziun dall'entira via naven dalla sbuccada en la Via Sursilvana entochen alla finiziun dalla zona da baghegiar (parcella 923). Il medem mument eis ei previu da remplazzar la reit per la dismessa dall'aua. Plinavon vegn la Corporaziun d'aua Spina da vin a remplazzar certas parts dil conduct d'aua. Ils ulteriurs proprietari da lingias da provediment vegnan medemamein envidai da surluvrar lur lingias e da far las adattaziuns necessarias. En connex cun la sanaziun dalla Via Sogn Placi eis ei eventualmein era pusseivel d'adattar la situaziun per entradas e sortidas privatas existentas. Nus supplichein perquei, da comunicar ad uras giavischs da quei gener, per che quels sappien vegnir risguardai el project dalla via. La finanziaziun da quellas parts privatas succeda secapescha entras il proprietari da terren pertuccau.

La procedura da contribuziun sedrezza tenor las prescripziuns dils art. 58 - 64 dalla lescha davart la planisaziun dil territori (LPT) e dils art. 22-27 dall'ordinaziun davart la planisaziun dil territori dil cantun Grischun (OPT). Egl'empre pass communichescha la suprastanza communal l'intenziun d'introducir la procedura da contribuziun per la sanaziun dalla Via Sogn Placi. El medem mument fixescha ella l'interessenza publica resp. privata, la part dil implont suttamess alla procedura da contribuziun sco era la cunfinaziun prevedida pil territori da contribuziun (perimeter).

Alla procedura da contribuziun ein suttamess:

- La suprastanza communal ha el senn dallas prescripziuns d'art. 63 dalla lescha davart la planisaziun dil territori dil cantun Grischun fixau l'interessenza publica a 20% e la privata ad 80%
- Il territori da contribuziun secuviera cul cunfin dalla zona da baghegiar a Sogn Placi, numnadamein:
 - La zona da habitar mischedada
 - La zona da magasin
 - La zona per baghetgs pigns ed annex



Il territori suttamess alla procedura da contribuziun sorta dil plan da situaziun exponiu.

Il plan da situaziun cul territori suttamess alla procedura da contribuziun ed il conclus dalla suprazonza communal da davart la fixaziun dall'interessenza publica resp. privata ein publicai naven dils **21 da fevrer 2014** en casa communal (stanza10). Encunter l'intenziun d'introducir la procedura da contribuziun, la fixaziun dall'interessenza publica resp. privata e la cunfinaziun dil territori da contribuziun sa, el senn dallas prescripziuns d'art. 23 OPT, vegnir protestau enteifer 30 dis dapi la publicaziun officiala alla suprazonza communal, caum postal 57, 7180 Disentis/Mustér. La protesta sto vegnir inoltrada a scret ed ei da motivar.

Per ulteriur sclariment stat il menader digl uffeci da baghegiar, Ervin Maissen (tel. 081 920 36 46 ni e-mail: baghegiar@disentis.ch) suenter preannunzia bugen a Vossa disposiziun.

Suprazonza communal Disentis/Mustér

Controlla da habitonts

Naschientschas

Ksenzighova Rodrigues Laura, naschida ils 5 da fevrer 2014, feglia da Rodrigues Ksenzighova Maria e Fernandes Machado Rodrigues Rui Miguel.

Shayenne Giger, naschida ils 11 da fevrer 2014, feglia da Rosangela e Flavio Josef Giger Klaiss.

Mortori

Gion Flepp-Caduff, naschius ils 25-11-1925, morts ils 14-2-2014.

Apparats d'udida

Gliendisdis, ils 24 da fevrer 2014 saveis Vus schar schubergiar e regular Vies apparat d'udida el Center da sanadad Sursassiala SA a Mustér, Via Cons 11, naven dallas 14.00–16.00.

L'uniun Pro Audito Cuera, cun signur Arthur Jacomet fa quei survetsch per tuts interessents gratuitamein.

Cordiala invit
Center da sanadad Sursassiala SA

Blumen-Teeparty

Chinesische Kultur in der Schweiz erleben

Gliendisdis, ils 24 da fevrer 2014 allas 20.00.

Wissenswertes über die Teepflanze, Erklärungen zu der Heilwirkung diverser Blumen, z. B. Chrysanthemen, Rosen, Lavendel, Jasmin usw. sowie amüsante Geschichten aus dem Reich der Mitte, werden von den Referentinnen Ye Schacher und Sonja Schwegler gegeben. In lockerer Atmosphäre geniessen die Gäste Teeköstlichkeiten und lassen sich inspirieren. Die Blumen können in Küche und Hausapotheke vielseitig verwendet werden und liegen als Getränke im Trend. L'occurenza ha liug el Center sursilvan d'agricultura, Via Lucmagn 31 a Disentis/Mustér. Annunzias entochen ils 22 da fevrer, tel. 081 936 48 00 info@agricultura.ch. Entrada libra, collecta. Dapli informaziuns da l'uniun Broccoli: www.v-broccoli.ch

Cordial beinvegni!
www.agricultura.ch



Preavis fieras da resti d'affons a Mustér

Venderdis, ils 21-3-2014 allas 19.00–21.00.
Sonda, ils 22-3-2014 allas 9.00–10.30.

Ulteriuras informaziuns suonden.
Mummas cun affons pigns Mustér